

蘄州志卷之三

知蘄州事嶺西封蔚初纂修



地理志

下

風俗

化於上曰風習於下曰俗其奢儉純駁之較若性生者雖治世不能齊也今祇據州舊志及前輩所論列者紀於篇凡四禮之相沿時令之相尚民間徵逐從宜之故皆得而考焉志風俗

盧絃曰凡風俗大端無過奢儉所尚也而實與野有

蘄州志

卷之三

風俗

一

辨奢所戒也而實與禮有辨絃生也晚猶及見吾蘄長老遺風賓賓然相先以孝讓周規折矩博帶褒衣所謂文學近於鄒魯者殆謂是歟至於敦尚節義閨門肅然別嫌明微尤稱善俗小民之家重本業勤貿遷知所止足不敢妄生邪心不好訟里巷有爭輒與解山野之氓有至老死未嘗游市井者風俗之純蔑以尚矣寢及末世季好用多煩漸鄰誇鬪爰啟殲戮之禍論者謂數極滿盈天道所忌亶其然乎考舊志修於明嘉隆間猶余所謂先民懿軌也而作志者已鯁鯁然有江河日下之憂



若見後此者其爲蒿日當何如耶邇乘喪亂之餘生理未復民間侈靡相耀甚者妨貴陵長加大破義之事亦多有焉夫

聖朝開創伊始嘉與海內返樸還純家凜奇表之禁斯國綿有道之長則主持風教者不無責也

四照堂集

蕪春人性躁勁風俗果決其舊風也自平陳後俗頗變尚純質尤好儉約喪紀婚姻率漸於禮

隋書地理志以上舊志

蕪州風氣和平訟獄稀少

宋秦觀代蕪州守謝表新稿

蕪州風氣和平士習文雅其俗舊號龐樸而近亦漸趨

# 蕪州志

## 卷之三

風俗

二

侈靡有三吳風蓋緣地關湖多生理頗易良民以國稅爲急以息訟勸農爲務固易地樂土也

湖廣總志

立春之日塑土牛芒神於東門外元妙觀州官率僚屬詣觀迎春回署鞭春禮畢食春餅官紳士庶戶貼宜春二字

正月元日五鼓後州人悉洒掃廳宇門貼春符簷插梅栢競陳蠟炬茶果等物焚楮爆開門長幼悉正衣冠以次拜賀尤敬禮城隍諸神三日內輟市肆各盛服陳饌爲禮三日後彼此宴會謂之春酒各攜具祭奠先墓又



迎儺賽民家有世沿爲例者

十五日迎紫姑神以下將來蠶事並占眾事荆楚歲時記

江淮間俗尚鬼正月必衣服箕帚爲子姑神或能數數畫字見東坡集

按子姑神俗謂之茅廁姑

自十日至十五日城鄉多爲龍燈之戲志畧

二月十五日俗謂之花朝節婦女相邀於是日踏青志畧

社日四鄰並結綜會社牲醪先祭神然後饗其胙

清明日士民於是日掃墓

新州志 卷之三 風俗 三

四月八日諸寺各設香湯浴佛共作龍華會州民各食

烏米飯謂之青精飯志畧

五月五日端午採艾以爲人懸門戶上以禳毒氣荆楚歲時記

州人是日插艾葉菖蒲於家廟巫祝例送硃砂黃楮符

貼之門壁日正午闔家飲硃砂雄黃菖蒲酒小兒用塗

眉耳諸處月內焚蒼朮凡男子未畢婚者競送節禮角

黍豚鷺之類女家以紙筆女紅答之自端一日至端午

日競渡龍舟內外皆往觀自元旦外惟此節爲最醫人



多於是日採藥

按隋書地理志屈原以五月望日赴汨羅土人追至洞庭不見舩小湖大莫得濟者乃歌曰何由得渡湖因爾鼓櫂爭歸競會亭上習以相傳爲競渡之戲

六月伏日並作湯餅名爲辟惡

荆楚歲時記

六月六日諺曰城隍降誕蓋緣始築城之期也是日好事者迎神設燕鼓吹經朝相遞爲首名曰半年福

六月二十六日爲二郎神賽會之期州城漕河所費不可貲計

蘄州志

卷之三

風俗

四

舊俗以六月某日賽二郎神一人前導山民呼行者舉行者名則元人小說所載孫悟空也是日蘄人無遠近皆來就觀輟市肆肅衣冠立於門出隻雞百錢爲壽必請命於行者以致於神一不與則行者機變舉動趨捷若生擊屋瓦器皿應手皆碎乾隆十九年知州錢鑿悉取像焚之二郎神如故

甲乙存稿

七月七夕州內各士民設瓜果競巧率兒女羅拜於星月之下亦昉古乞巧之遺意也

十五日爲中元節士民家各焚楮薦祖



尼僧道俗悉營盆供諸佛

荆楚歲時記

蕘俗七月朔夜於景佑真君廟伐鼓吹螺以小鉦巡於市名放兵望夜如之名收兵兵謂鬼也此十五日士庶家各祭亡者又自九夜至望日七日內歛錢作佛事所謂烏藍盆挈道書云中元考校也

白茅堂集

八月十五日舊俗取促織虫相鬥設高案以貼金大餅焚香秉燭祭月

九月九日四民並籍野飲宴

荆楚歲時記

十月朔日黍臠俗謂之秦歲首

荆楚歲時記

蕘州志

卷之三

風俗

五

仲冬之月采擷霜燕菁葵等雜菜乾之並爲鹹菹

同上

十二月初八日多以蓮棗作粥謂之臘八粥

考荆楚歲時記十二月八日爲臘日諺語臘鼓鳴春草

生村人並擊細腰鼓戴胡頭及作金剛力士以逐疫

楚俗尙鬼而儺尤甚蕘有七十二家邑人顧景星有鄉

儺志與鄉儺作見白茅集茲不贅載

是日並以豚酒祭灶神

荆楚歲時記

二十四日爲小除是夕淨厨用神馬草豆香燭之類祀灶謂之送灶至除夕復祀之謂之接灶



三十日爲除日洒掃庭宇貼春聯福字戶上插柏葉夜間祀祖先家人相聚歡飲謂之團年飲畢幼小衣冠向長輩前拜謂之辭年長輩以錢分予謂之壓歲通夜不寐謂之守歲以松竹生柴焚之名曰爆竹醫家例以蒼朮和丸相餽曰吉祥丹樹雙炭於門以紅紙束之曰將軍炭

蕪俗婚嫁各因門第求配先通以媒妁卜吉擇日先具問名納采禮聘儀各從厚薄啟用金裝文本家禮女家具金銀庚牌書年月日答之告諸祖先將婚先期男家

蕪州志

卷之三

風俗

六

再具茶禮釵鈿彩帛羊酒果餅之類送女家並具啟徧告女之親族謂之團書女家隨力備粧奩先日迎送夫家比日婿乘輿鼓吹親迎輿前列用家雁取和鳴義用杯酒取合卺義用提燈取花燭義婿親以帨覆女首登輿女至婿家或尊長或小姑先爲婦填粧授食用白布

今用紅毡鋪道引入房婿親揭帨行交飲相答拜禮入帷坐

外人俱却避不得見至次黎明起盥沐畢男女先謁祖先及翁姑闔門長幼女家先具茶果送之拜見時各陳手帨茶鞵爲贄其尊長亦各以釵釧類爲新婦貽朝夕



凡三拜見越三日男具酒筵往謝於女家曰拜門酒女家亦具酒送女曰三朝飯其謝媒妁亦如禮匝月女始歸母家後往來如常雖六禮之成未必盡遵古制然大端民家於婚嫁爲甚鄭重卽臧獲之賤山野之僻男女必先以媒妁遺以聘貲無婚不以正者

親喪隨力先具衣棺沐浴掩殮畢殯於中堂列案於前及燈燭品供以父母遺衣陳尸於柩側男女披髮哭踊闔門先以白布裹頭衣用素三日用牲堂祭成服齊衰期功總麻各以等差執喪之日家或不舉火親鄰相遺

蘄州志

卷之三

風俗

七

以粥卽以布幣及孝服徧告於親族家有不能及者又陳訃單於門里黨聞者咸赴弔相答拜至親代送客更相執事子若孫執杖守柩至七七日而滿寢坐用草薦蓆取苦塊義每七日設齋薦亡多用楮錢竭貲不惜親友於弔後各隨厚薄陳祭奠或用祭章牲醴楮帛諸儀喪家答以胙又通里各具旌儀醪送喪家樹旌請親友冠裳尊顯者舉之拜奠畢欵酌而辭退七七日滿子孫及服親徒步具素束徧踵謝或拜諸門外  
葬必卜吉地仍先期陳告親里其赴弔仍如新喪時或



送以旛仗鼓吹發引日導煎送及墓而止或陳路祭遠則或先辭歸相答拜於路貴介家必請官長題主並祀后土其歛宴送胙亦如舉旌禮既葬墓封或用馬鬣或用覆釜封樹畢子捧主鼓樂導送至家堂安位祭拜如禮或歸三日後不時往省亦有廬墓數月而始歸者其他親疎服各以遞降要於古制不相悖也

祭各不同有家祭有祠堂之祭有塋墓之祭子孫衆多者或租出祀田或金出醮積用具牲醴祭畢燕飲分胙而退又家居有歲時伏臘之祭祀神以牲醴祀先以湯

新州志

卷之三

風俗

八

飯楮錢凡遇親生忌日禮亦如之祀神則有祠廟之祭里社之祭儺賽之祭祈禳之祭村野則有春秋社壇之祭祭之日必誠必信習俗所尚有由來也

男子戴瓜拉帽卽查刺之轉音遼道宗名查刺燕居戴六瓣緊窄帽後因以名之崇禎中爭尙瓜拉猶揪子撒兒也

顧氏志論

天啟末婦女梳粧尙浮渲易髻以髻盤旋甚緩名揪子

輕幘名撒兒

同上

萬曆前士大夫高冠窄袖末年矮冠大袖婦女亦如之



同上

揖俗曰唱喏古人相揖作此聲唱喏者引氣之聲也唱者唱言也喏卽所唱之聲拱手至地大唱聲曰大喏禮之隆也拱手至膝細聲唱曰半喏禮之殺也女子揖必唱萬福今皆無惟姆戲教嬰兒引手曰喏民間婦女相見曰叫叫猶曰唱唱亦唐宋遺風也

以上舊志

蘄州志

卷之三

風俗

九



土產

物有專產有通產通產不勝書擇其裨益於民生日用者分別紀之其專產竹艾龜蛇良於他處抑地氣使然歟志土產

淮南道蘄州土貢白紵簾鹿毛筆茶白花蛇烏蛇脯唐書

地理志

淮南西路蘄州貢苧布簾宋史地理志

蘄州東北有百家冶山出蘄竹明史地理志

蘄州竹以色瑩者為簾節疏者為笛帶鬚者為杖一統志

蘄州志

卷之三

土產

十

十二時竹產蘄州其竹繞節凸生子丑寅卯等字安福周俊叔得此植之家庭筍而竹者十之三羣芳譜

白艾蘄州出一統志

艾葉本草不著土產但云生田野自成化以來以蘄州者為勝用充方物天下重之謂之蘄艾本草綱目

相傳他處艾炙酒壘不能透蘄艾一炙則直透徹為異也本草綱目

李言聞蘄艾贊產於山陽采以端午治病灸疾功非小補蘄艾傳



茶之美者蘄州之團面

本草綱目

宋權茶之制擇要會之地為權貨務六一曰蘄州之蘄

口鎮

宋史食貨志

雲霧茶出仙人臺味最佳諸茶莫及

羅漢菜蘄州三角山出舊傳有異僧種之而去若雜以

葷物即無味

一統志

又名花菜一名瓊枝即越中鹿角

菜之類

彙苑

按仙人臺多產此苗時萌盡東向其味較珍珠菜為佳

蘄州志

卷之三

土產

十一

蘄州有三洞一曰龍洞在三角山神龍居之禱雨皆應而光景變化未嘗表露二曰龜洞在廣教寺龜生其中品類不一而綠毛者為多三曰蛇洞在蘄口鎮側蓋白花蛇所聚今不復有矣

夷堅志

綠毛龜蘄州出置壁間數年不死能辟塵

一統志

綠毛龜蘄州以充方物養鸞者取自溪澗畜水缸中飼以魚蝦冬則除水久久生毛長四五寸毛中有金線脊背有三稜底中如象牙色其大如五銖錢者為真他龜久養亦生毛但大而無金線底色黃黑為異爾

本草綱目



緣毛龜所在有之惟蘄州爲異大如五銖錢背三稜隆起如圭腹甲色如象牙頭足皆有金線一圍舊說毛中有金線非也雷動出蟄以清水蓄淨盎中必日一再易久之毛可滿盎旋轉盎中一絲不亂日食去血牛肉四分碎剪飼之雷收聲入蟄綿裹藏筒中辟蚊辟蠅之說皆不然

黃公說字

白花蛇蘄州出能愈大風

一統志

蘄州有白花蛇一名塞鼻蛇諸蛇鼻向下此獨向上頂有方勝尾有指甲人劃破其腹則自赴水中以指甲洗

蘄州志

卷之三

土產

十一

去其腸蟠屈而死可治風疾

山堂肆考

花蛇湖蜀皆有今惟以蘄蛇擅名然蘄亦不多得市肆所貨官司所取者皆自興國州諸山中來其蛇龍頭虎口黑質白花脇有二十四方勝文腹有念珠斑口有四長牙尾上有一佛指甲長一二分腸形如連珠多在石南藤上食其花葉人以此尋獲先撒沙土一把則蟠而不動以叉取之用繩懸起剗刀破腹去其腸物則反尾洗滌其腹蓋護創爾以竹枝定之屈曲盤起紮縛烘乾出蘄地者雖乾枯而眼光不陷他處者則否矣

本草綱目



蛇死目閉惟斲蛇目開如生出斲界者一開一閉爾雅  
翼叅

潘志

謹按斲地花蛇有黃白黑三種黃白二花可貨數十  
金黑花不過數金而已昔產龍峯山洞今無有惟三  
角山出一歲不能多得土人獲此物必食葷物方可  
否則其走如飛牙利而毒如人手足爲所嚙卽時必  
以刀斷去稍遲則不能救也今亦有方可治市肆所  
貨皆浙蛇非斲蛇花與指甲皆同土人亦莫能辨但  
三角山二斲交界之處相傳蛇一逾斲水界則只存

斲州志

卷之三

土產

十三

一目浙蛇無是也

志畧

烏蛇斲州山中有之乾甯記云此蛇不食生命亦不害  
人多在蘆叢中吸南風及其花氣最難探捕多在蘆枝  
上得之其身烏而光頭圓尾尖眼有赤光至枯死不陷  
如活者稱之重七錢至一兩者爲上

圖經本草

斲州烏蛇頭上有逆毛二寸一路可長半分已來頭尾  
相對得此多留進供腹下有白帶子一條長一寸者雄  
也

雷公炮灸論

鮑俗呼邵荷魚出江中

一統志



麝蘄州或亦時有其香絕小一子纔若彈丸往往是真

蓋彼人不作偽爾 圖經本草

地榆蘄州里人呼為酸赭 本草綱目

五加蘄州呼為木骨 圖經本草

蟹出茅山下者黃多而味甘較他處為勝 志畧

鮒出諸家湖水經注云青林湖饒美鯖不及此遠甚

蘇釉泥出挂口 志畧

菸葉出呂宋國番名淡巴菰萬厯間閩中人種之吸取

其烟以禦瘴氣後內地種者漸廣獲利漸多頃年蘄州

### 蘄州志

### 卷之三

土產

十四

青山崇居大同諸鄉種之益盛歲可得十餘萬緡山地

沙土盡歸於河河身日高濱河之田累被潰決利之所

在害亦隨之 陳氏志存稿

簞舊傳百治山竹為之今百治山無竹業簞者取他境

竹為之仍名蘄簞 潘志

穀屬 以下通產

粃 七月熟惟江西早六月熟 稻 八月熟佳者金沙魚子二種粃糯稍劣 大麥 小麥

蕎麥 苦蕎 豆 有黃綠赤 菹豆 白花者良 刀豆 豇

豆 陌上者多實架者少實 蠶豆 豌豆 梁 秔 黍 脂麻



白黑褐  
色三種

稷

粟龍爪狗尾二種

罌子粟即御米 甘藷即藷

蔬屬

筍 芥 蔞 苾 芸臺 菠 芹 莧 馬齒莧

同蒿 萋蒿 白花菜 花兒菜 芥 蒿苣 薺

薑 韭 蔥 蒜 薤 胡荽 藿大小二種 萊菔紅白二種

薯蕷藤有青紅白三種紅者劣 芋 百合 芡菰 菌 木耳

胡瓜 南瓜 冬瓜 越瓜 茄 絲瓜 甜瓜色黃

苦瓜 西瓜 壺盧 苜蓿 慈姑生水田中荒年食之可療饑

蕨根可救荒作粉佳 雨花菜亦名珍珠菜 鼠麴楚之人呼為米麴北人呼為茸母

蕪州志 卷之三

十五

草屬

萬年青 吉祥草 菖蒲 翠屏 洗手香 芭蕉

蒿 鳳尾 虎耳 蓼 苔 萍 蘋 藻 書帶草

藍靛俗名不雅馴者未錄

木屬

松 栢 桑 梓 槐 樟 楓 椿香臭二種 榆 棠

梨 棗 杉 檀黃白二種 黃楊 栗 檜 柳 株 楊

柳 桐 泡桐 烏臼 柘 柞 櫟 皂角 茶

棟 楮 冬青 棕櫚 狗骨 漆近日大同鄉種之 椒



果屬

杏 銀杏 桃 櫻桃 核桃從俗 李 梅 枇杷

栗 柑 金橘 橙 石榴 梨 棠梨 羅漢果

海紅 葡萄 海棠果 山楂 藕 蓮子 芡實

薏苡 菱 烏芋 柚 木瓜 金瓜 柿 柿棗

花屬 已入草木果之屬者不贅

蘭 春夏二種 菊 蓮 紅白二種有千葉重臺並頭 千日紅 十姊妹

牡丹 芍藥 繡毬 萱 葵 荼蘼 月季 玫瑰

山丹 玉簪 剪秋羅 虞美人 罌粟 六月雪

蕪州志

卷之三

工產

十六

藏金 金鍾子 子午 石竹 迎春 茉莉籐本木本

滴滴金 射干 雞冠 鳳仙 鳳耳 荷苞牡丹

美人蕉 老更嬌一名老少年 桂紅黃白三種月桂另種 芙蓉 山茶

鶴頂寶珠二種 蠟梅磬口狗蠅檀香三種 海棠有垂絲西府貼梗三種 玉蘭

辛夷 木樨 夾竹桃 瑞香花 金銀花 紫荊

杜鵑 梔子 木槿 凌霄 伏牛 天竺 西番蓮

鐵線蓮 魚子蘭

藥屬

白朮 出唐家山形如鷲頭者更勝行蘇杭價重朱提 香附 蒼朮 槐花



土茯苓 以上四味 徧行各處 桑皮 芫蔚 山查 忍冬花

葛根 烏藥 天花粉 王不留行 野菊 苦參

女貞子 絡石 葳蕤 蒼耳 何首烏 金櫻子

桔梗 紫蘇 茵陳 青蒿 石葦 貫仲 麥冬

威靈仙 石菖蒲 薏苡仁 白藜 藁本 香薷

骨碎補 劉寄奴 常山 石耳 海金沙 蜀葵

石南藤 牽牛 青箱子 淡竹葉 茜草 五葉藤

丹參 兒白 即獨脚 蓮也 馬鞭草 巨骨皮 瓜蒌 羊

躑躅 益母草 夏枯草 旱蓮草 紫花地丁 一名箭頭草

蕪州志 卷之三

土產

血見愁 穀精草 芫花 蒲公英 蚤休 出仙人臺 即七葉一

枝花又名 重臺金線 草三七 魚腥草 苦棟根 黃精 茯

苓 薄荷 藿香 良薑 石斛 白芨 天門冬

卷栢 覆盆子 淫羊藿 野大黃 藍 花鏡名萬年 青俗名九子

治腫 毒 以上十五味不盡產蕪即產蕪者不盡可用姑

登之以待參考 雲霧草 出仙人臺治目 疾孕婦忌用 鹿銜草 出

人臺三角山 等處治咳血 矮腳茶 治咳 血 以上三味本草未收然

現在所產因並登之

禽屬 家禽不錄



鳧 鷺 鷺 鳩 麥啄 雉 雁 慈烏 鶻 鶻

鴛鴦 燕 扈 鷓 鷹 鴉 鵲 鸚 鴉 鶻 鶻

鷓鴣 鶻 鶻 白鶻 鶻翠也不 鶻 鶻 秧雞 鶻

鷓鴣 鶻 鶻 伏翼 鶻 鶻 鶻 鶻 郭璞云即布穀也江東呼

獲 鶻

獸屬家畜不錄

麋 兔 鮫 鯉 獾 豺 狼 狐 狸 虎 今無麋

獺 附 蝟 鼬

魚屬

蘄州志

卷之三

土產

十八

鮐 鱧 鮪 鰈 鮓 魴 鱖 陽 鱖 鱖 鯖 鯖 鯉

鰻 魚 鮠 鰻 鯪 鱈 石 首 鱈 鱈 鱈 鱈 鱈

鮓 鰻 鰻 鰻 鰻 鰻 鰻 鰻 鰻 鰻 鰻

銀魚

石屬

赭石 出麟山者佳為丹青家所珍

水精石 出唐家山

沙石 供髹漆用

無名異土 出白水里供髹漆用俗名收由土訛名烏煤土

石灰 有山灰河灰二種

蘇釉石 出隱靜巷

貨屬



木棉紫白二種 布 紬 白麻 苧麻 大麻 菜子碎

草麻 脂麻碎 紙出大桴衝 香末近日桐梓河出此松屑爲之

新州志

卷之三

土產

十九



古蹟

地豈不以人傳哉其人往其蹟畱後此有望古之思焉過舊治者戀白雲瞻遺田者倚浮玉匪直美觀由之以勵俗可也志古蹟

故城在安平鄉大河之東有鼓吹白雲之勝杜氏通典謂蘄爲湖南北十州之舊郡也

翻車城在州東南八十里因與翻車河近故名舊志作英布城謂漢九江王英布築城於此以示背楚歸漢之意不確

蘄州志

卷之三

古蹟

二十一

三鐵一爲治內戒石前三鐵缸一爲鐵佛寺鐵佛一爲鐵牯牛形家言蘄州地如箒形俗傳三鐵鎮蘄陽鐵缸明末癸未城破後爲江南人擊碎盜去鐵佛尙存至鐵牛相傳在南城濠邊土內有人浴濠中偶觸牛角城中遂犯火災

呂王城在州北四里缺齒山下相傳呂王築此

蘄口鎮在呂王城前今瀦水處卽其遺址舊傳金兵屯白雲山移避蘄陽鎮卽此地

涵輝閣在舊治子城上蘇子瞻在黃容有道其霽容天



在水春態柳藏橋之句軾欣然以色字易態字蓋賦  
涵輝閣也自是涵輝之名益著

方輿勝覽

豈弟忠恕安民思政貴簡雙桂雙蓮等堂俱在舊治皆

宋時建今俱廢

府志

超然觀環翠亭俱在蘄春郡城

輿地紀勝

煙霏樓見山樓俱在舊蘄春縣圃內今廢

府志

溪堂在舊治南宋至和中吳瑛致仕時隱居處也

名勝志

按司馬君實和吳仲庶送吳瑛歸隱詩云一朝投綬

眞高士萬卷藏書舊世家蓋紀其實也

古蹟

### 蘄州志

#### 卷之三

二一

橫車橋在州西六十里今驛路鋪遞所在也宋嘉定辛

巳李誠之與金人鏖戰處

志畧

仙人石在清水塘女足跡尙存

烈女墩在蓮花池

按顧氏論云蓮市湖俗名沿市湖湖中有山曰彈子

山相傳元總管張某二女至正末寇亂義不受辱連

袂赴水死後生此石墩云

康茂才宅在青山上鄉

古教場其址有三一在城東濠岸一在城南一在掛口



江濱明吉安侯鍊軍處

鳳凰臺在乾明磯相傳羅真人飛昇處

小山深處在州署內有樟樹三株明末獻逆陷蘄夜見

三人擐甲持戈護城意卽樹神也遂呼爲將軍樹咸

豐間髮逆蹂躪樹遂毀

詩記詳藝文

江山一覽亭在鳳凰山兵備道劉光文建下有千仞亭

今廢

江山清趣亭在鳳凰山之南明宏治間錦衣衛指揮同

知孫瓚建

今廢有記

同治癸酉知州封蔚勅重建顏曰拂雲

蘄州志

卷之三

古蹟

二二

玩鶴樓在州東北山上有古松一株極蒼秀

以上錢志

白雲深處亭在荆府內林木四匝翠峰環拱儼有清虛

之狀荆藩構亭於此

詩詳藝文今廢

沉香樓在麒麟山按遺址卽今內行宮地

梳粧臺在城內小教場遺址在今考棚右

詩詳藝文

浮玉亭在新生磯文昌閣下明萬曆十七年知州徐希

明構亭於上適梅川吳明仲給諫宴飲其上見水光

凝碧曰此浮玉也遂取以顏其亭今廢

詩詳藝文

鴻亭在州西南隅乾明磯禹王閣左下臨鴻宿洲



國初知州張士駟建今廢

莖草亭在東關外東山寺

風雲奇觀石在州治右明成化六年掘地得之首鐫此四字後有詩二律無作者名氏荆藩移置邸中兵火無存

七葉寮在鳳凰山今廢

詩詳藝文

邁所在兩湖北岸邑人李瀕湖著本草綱目處其孫副使樹初建芝鹿山房於其左今廢  
白茅堂在北城外熊化嶺顧氏宅後

古蹟

蕪州志

卷之三

三三

按顧景星得先世外家馮午山尙書藏書八十一廚杜門著述顏其堂曰白茅

詩詳藝文

四照堂在城南鶴雞山盧參政綏建  
雲路在青山下鄉歐家渡去渡數武有石鐫雲路二大字古勁可愛

知足知不足二齋在大同鄉竹田沖工部虞衡司陳詩著書處

潘志

四見亭舊在白雲山頂宋治平中范純仁建州人林敏功爲之記後遷今治署後有亭仍以四見名之明知



州李榮祖重建

國朝嘉慶間知州顧澍改爲試鑑亭復廢同治十三年知州封蔚初重建名曰雨亭

記詳藝文

試劍石在策山砦頂明末之亂土人避於山窩賊至欲攻之忽見有將軍乘白馬持太阿繞城三匝插劍於石石即裂賊懼而逃至今劍痕尙在馬跡猶存

雙杉在仙人台台頂有寺高潔閒雅郝守正嘗讀書其

中植杉二株於側輪困盤鬱古色蒼然州人黃翔雲觀察曾爲序記其事謂可與寇公二柏並傳不朽云

蘄州志

卷之三

古蹟

二四

中丞李本晟宅在東門外順治十八年

賜南天一柱額

十景

麟阜江山 在州城內堂署後

鳳麓晨鐘 在州城內西南隅

太清夜月 在城東東嶽廟門左

龍磯夕照 在龍磯門烈士廟前

城北荷池 在北門外周公山下

金沙夜泛 在州北十里亦名赤東湖



鴻洲烟雨 在州南二里

龜鶴梅花 在州東十五里二山並峙

浮玉晴沙 在江心文昌閣下

雨湖漁舫 在南門外

知州封蔚初泄蘄陽得王時敏爲盧澹巖所繪十景

圖冊頁於王姓按時敏號烟客

國朝名畫所稱三王之首也陳工部跋誤以爲石谷

附陳愚谷十景圖跋

康熙初邑先輩盧澹巖參政官蘇松糧儲於本署修

蘄州志

卷之三

古蹟

二五

蘄州志增改舊志八景爲十請王石谷先生爲圖裝  
裱成冊携之旋里其後藏豁口本家佃仙四翁所余  
嘗於用齋三兄處見之欣賞累日今又十餘年則已  
歸殿珩王君矣感念疇昔爲之憮然王君其善保之  
哉嘉慶二十有五年十月之望愚谷陳詩跋



陵墓

或貴或賢例得紀墓州自明諸王以下貴且賢者多矣封樹碑誌皆不可考茲但紀其可考者志陵墓  
明荆憲王朱瞻垌墓在永福下鄉復遷安平上鄉大泉山

荆靖王朱祁鎬墓在安平上鄉大泉山

荆和王朱祐橚墓在永福下鄉白雲山後改葬諸家湖  
韓家山與妃劉合窆

都昌惠靖王朱祁鑑墓在安平上鄉大泉山

蘄州志

卷之三

陵墓

二六

惠靖王長子與父同墓

都梁悼惠王朱見溥墓在安平上鄉

都昌懷順王朱見潭墓在安平上鄉虎狼口

樊山莊和王朱祐構墓在安平上鄉袁家嘴

東都昌王東軒悼僖王墓在大泉山之陽

永定端穆王墓在州南迎山

樊山溫懿王第三子鎮國將軍墓在缺齒山冷水井

都梁悼惠王第二子鎮國將軍墓在州東黃土嶺之陽

荆恭王朱翊鉅墓在安平上鄉翁家寢



荆敬王朱常言墓在安平上鄉湯家寢

荆康王朱常盜墓在安平上鄉熊家寢

都昌悼僖王朱佑樞墓在永福上鄉大王廟前

樊山溫懿王朱見滂墓在永福鄉蔡家橋

荆王墓因國除無諡亂後葬李公氣墓并未封

荆端王墓在廣濟縣楊門張家寢

荆莊王墓在廣濟縣楊門武家寢

荆定王墓先葬廣濟縣朱老墳後遷無考

康蘄國公父子墓俱在江甯鍾山祖墓俱在大同上

蘄州志

卷之三

陵墓

二七

鄉康家冲

碑銘詳藝文

侍郎朱仕俊墓在黃土嶺

吉安侯柳良正墓在打鼓臺

千戶陳福清墓在鳳凰山麓

御史馮思齊墓在江甯浦口香爐山祖墓在安平鄉大

泉山第一泉側

大司寇馮天馭墓在頭鋪祖墓在迎山老美橋母墓在

馮家林

方伯華仲賢墓編修華巒墓俱在馬口湖

編修墓有李茶陵碑銘詳



知府劉樽墓在迎山麓

解元陳吉言墓在下路港迎山祖墓亦在此

參政顧敦墓在甕門桃樹山

參政顧問副使顧闕墓俱在缺齒山始祖士徵墓在鹿

耳石

御史周禧墓在符乾關外席盤石

太醫院判李時珍父言聞墓在竹林湖

醫賢楚王府奉祠李時珍墓在州東竹林湖祖墓在大

蕪州志

卷之三

陵墓

二八

教場

副使李樹初墓在州東東湖庵父同知建中墓在盤龍

嘴母彭恭人墓在廣濟栗木橋仙姑山嗣父建木墓

在竹林湖 墓誌銘詳藝文

知縣李雲慶墓在東湖庵

僉事李新墓在頭鋪地藏寺側 父于節贈文林郎墓亦在此  
母楊氏贈孺人墓在霹靂山

知縣田鵬墓在大金橋

進士田雨公墓在周公山

方伯張思齊墓在菩提壩黃土塘



方伯張邦翼墓在圓峯山下張銘畝祖墓在蔡家店

都御使李儒墓并祖墓在竹林湖土名天葬墳

參將李同春參將李棟墓俱在安平方家橋同春墓誌  
李維楨撰

詳藝文

主事李孟春墓在廣濟關聖村土名茅山娘

侍郎李盛春墓在廣濟望夫山六府林之左

副使李際春墓在永福段家倉壽眉山

總兵李楷墓在野狐山

鹽運使提舉李樸墓在烏菱港

蘄州志

卷之三

陵墓

二九

參政李標副使李樞墓在崇居金鷲寺

御史饒京墓在竹林湖側今名饒家閣

御史王珙墓在楊門龍泉寺之左祖墓在渴口畝柏樹

林

副使晏攄忠墓在席盤石晏家壠山

知縣陳顯元祖墓在東山寺

指揮王啟墓在雨湖母墓在迎山王家林墓誌詳藝文

都督同知程貞墓在安平彭祖平陽嘴

同知張效葵知縣張承位墓俱在廣濟張家寢



知府馮汝承墓在州東五里八角塘

知州陳仁近墓在青山榔木冲祖惟聰墓在義龍窩啟

常墓在老鴉山

參軍沈士望墓在永福清水塘

知縣王御龍與侯孺人合墓在州東二十五里百福山

知縣李本衍墓在荒草畝其父 李欝墓在廣濟劉玉

林繼母墓在徐家坳

知縣孫民則墓并祖墓在永福鄉孫家窪

知縣陳履中墓在崇居馬驛冲

新州志 卷之三

陵墓

三十

知縣熊洪墓在迎山

宋閩清令蒲遠猶墓在安平獨山麓 碑誌詳金石

明副使袁世振墓在洗脚湖

知府郝守正墓在南關外

知府蕭震墓與陳恭人墓在永福彭思橋大柳樹

知府蔡相墓在木寨山城煥塘 楊二恭人墓在五百寺

下

都司沈槐山墓在北門外蓮花池沈家墩

知州易龍見墓在廣濟楊林鋪郭陽冲



知州易可訓墓在城南迎山均

知州易之豫墓在永福黃泥塘答子地

知縣顧咸泰墓在迎山八方林

進士汪蘅墓在郝家壩

知州陳良翼墓在崇居石鼓沖口

知府周祈墓在永福鄉西湖嘴

進士劉之棠墓在迎山麓

游擊何永清墓在大同栗木嶺

參政盧綰墓並祖墓俱在迎山

蘄州志

卷之三

陵墓

三一

中丞李本晟墓在廣濟金山府

翰林欽士佃祖墓在烏菱港

知縣李炳然墓在施家塘雞公嶺與朱氏合葬

徵士顧景星墓父天錫姑劉貞節墓俱在時思圃

溫處道高培墓在崇居鄉大林腦

知州李本綦墓在杉木林旌節何宜人墓在涼蓬湖

知州李坦墓在蕪塘湖張山嘴

進士張正志墓在安平鄉

明威 將軍王紳墓在州大教場左



知府李柳墓在父盛春墓左山母董夫人墓在黎企廟  
兒嘴

忠烈王玠墓在青山鄉獅子地

指揮程曠墓在崇居鄉 以上潘志

新增

都梁悼惠王第三子鎮國將軍朱祐檮墓在西鄉大王

廟山與妃樊合窆

富順王朱厚焜墓在白龍潭

永新安莊王朱厚燠墓在廣濟四望山幽居寺側與妃

蘄州志

卷之三

陵墓

三二

周合窆

富順王朱載拱墓在白龍潭左竹林嘴

鎮國將軍朱載堃墓在白龍潭侍郎嘴金星與妃劉合

窆

鎮國將軍朱載坵墓在白龍潭竹林嘴

輔國將軍朱翊銳墓在安平鄉上石潭赤湖嘴

明誥封奉國將軍朱常熱墓在大同鄉大桴衝金星

知府吳鳳瑞同子江西義甯州知州之問墓在崇居鄉

武負壙



知州吳之翰墓在青山上鄉大夫第

進士管遵王墓在管家樓富家壩

陳節母袁太宜人墓在大同鄉朱家衝主事陳詩之母  
工部主事陳詩墓在大同鄉朱家衝

知縣陳準墓在青山榔木衝袁家潭

知縣陳選墓在崇居七里衝張家壩

知縣陳三辰墓在崇居慶甫壩前月形

知縣朱燮元墓在大同鄉大杼衝石雞坪

臺灣道兼提督學政陳懋烈墓在蘄水縣下鄉鄧家河

蘄州志

卷之三

陵墓

三三

坪

知州李朴墓在檀樹柴

舉人劉廷策墓在五岳山葉皮坳係知州劉銳父

知縣李鍾濂墓在李達衝



義塚山 附

東關外官山一區名冬瓜山又官山一區毗連席盤石  
西關外官山一截

南關外官山一區名百人廠

北關外官山一區在牛馬均名羅漢山又蓮花池岸上  
官山一區名周公山

城北阮家碑後山一截其界後齊山岡前及左右俱抵  
山脚縣丞銜李燮典籍銜李兆璜捐

大同司官山在金星腦下手其界西長七十弓南橫十

蘄州志

卷之三

義塚

三四

二弓東長八十二弓北橫二十五弓又桃家嘴山一  
面東橫十七弓西橫三十四弓南長五十四弓北長  
三十弓光緒八年大同巡檢張振南捐廉買置

大同鄉陳文廣義塚山一區陳得鎔捐

崇居鄉龍鳳潭義山一區陳法炎捐

白骨塔在符乾關外按察司僉事李新季弟庠生彥建



金石

自廬陵歐陽氏集古有錄而因是而作者諸家各有專輯凡古人金石之文遂詳於紀載而不可磨滅矣州金石無可攷天寶以來碑之佚者甚多其存者蓋一二焉茲無論存佚備錄其名以紀之志金石

唐碑

龍興寺故法現大禪師碑銘並序

湖北金石存佚考

天寶元年李適之撰呂向書

碑文佚文見文苑英華

刺史杜敏生祠頌

同上

蘄州志

卷之三

金石

三五

乾元三年五月張璠撰史惟則八分書 詳金石錄

碑久佚史惟則名浩天寶中嘗為伊闕尉集賢院待制後至殿中侍御史集古錄云唐世分隸名家者四人韓擇木蔡有鄰李潮及惟則也金石畧彙所書碑凡二十八而生祠碑居其一焉惜乎不得見之 金石存佚攷

新城門頌并序

同上

貞元十八年符載撰

碑久佚文見文苑英華詳藝文

四祖塔院碑

五代碑見通志



李璟正書篆額保大三年正月十日在蘄州寶刻類編

天福八年癸卯南唐李景立改元保大五代史十國世家年譜

### 宋碑

閩清令蒲遠猶自撰墓誌金石存佚攷

元祐六年豫章黃庭堅書簡宋觀道士陳善淵摹刻

墓在安平鄉獨山之麓嘉慶十三年土人墾田得之

同上文詳藝文

六逸石題名同上

六逸石在三角山上鑄元豐八年三月主事陳同知

### 蘄州志

### 卷之三

金石

三六

某文林郎編修某避暑憇題并刻有詩廬志

觀頤視履石刻四大字金石存佚攷

淳熙乙巳仲 趙不迹為潘 書錢志作潘震蘄春

三角住山宗瑞石上湖北通志

四字蘄水縣志以為趙不迹書蘄州志以為潘震書

實則趙為潘作也金石存佚攷

資福法堂記同上

建炎二年釋惠洪撰同上

資福院禪碑銘惠洪撰同上



教授廳記

乾道九年朱子撰 同上

蘄學舊有朱元晦教授廳記洪武初知府左安善摹

朱書體刻於壁 白茅堂集

惠民倉記 金石存佚攷

嘉定十三年夏五月真德秀撰

蘄春縣興學頌弁序 同上

元季危素撰 同上

明碑

蘄州志

卷之三

金石

三七

華伯瞻編修墓誌銘

宏治甲申李東陽撰 文詳藝文

顧氏祠堂記

明王世貞撰 碑存文詳藝文

盧氏祠堂記

胡周鼐撰 文詳藝文

北門李氏龍磯挂纜碑記

李炳然撰 碑存文詳藝文

盧公神道碑銘



吳偉業撰 文詳藝文

明李同春參將墓誌銘

李維楨撰 文詳藝文

國朝

中丞李本晟墓誌銘 碑存

盧紘撰

知州陳良翼墓誌銘

檀萃撰

蘄州志

卷之三

金石

三八

